

Èkwò-òzì K'èbò, Pòlù Deru Nù Ndu Tesalonayika

¹ Èkwò-òzì-a shì l'èka m̀b̀d̀dua, b̀ Pòlù alaru Chìochì Tesalonayika, b̀ ndu k̀ Chileke, b̀ Nna anyi bya ab̀uru k̀ Nnajiuphu, b̀ Jizòsu Kéreshì. Ndu anyi èphe gba mgba ede iya b̀ Sulivanusu yè Timoti.

² Gè Chileke, b̀ Nna yè Nnajiuphu, b̀ Jizòsu Kéreshì meeru unu eze-iphe-oma; mekwaaphò g'unu buru guu.

Ikpe, Kéreshì e-kpe m̀ è -byalèpho

³ Ùnwunna anyi; è b̀akwa iphe, anyi m̀f̀t̀ajè l'anyi a-nòdujèephò ekele Chileke ekele èhu unu tekenteke; k̀ è b̀ iphe, gbaru anyi l'ememe. Noo k̀ è ekwekwe, unu kweru k̀ Chileke b̀ kwatakpòo akaèphò eshihu ike èjè; nokwaphò gè n-yemobu, unu yeru nwibe unu l'èhu l'èhu akaèphò shii akaka èjè. ⁴ Noo iphe, anyìbedua l'onwanyì egudejè unu aba abaa l'iphe, b̀kpoo Chìochì Chileke. Ishi aba abaa ono buru l'unu s̀ru èka l'obu kweshia ike l'iphe, unu kweru; l'ewere ono, e mekòtakpooru unu ono; m̀ l'iphe-èhuka ono, unu jekòtakpooru ono.

⁵ Ono buru iphe, unu e-gudekwanù èka maru l'ò b̀ òkpobe-opfu lè Chileke ekpejè ikpe, p̀f̀uru òto. Òo iphemiphe ono, l'eme l'èhu unu ono l'e-me unu agbaa k'abahù l'èka Chileke b̀ eze,

bụ iya bụ iphe obu, unu anwu onwu iya nta-a. ⁶ Chileke bę bụ onye l'emeje iphe, pfuru oto; mbụ l'iphe, bụ ndu ono, meru unu nodu eje iphe-ehuka ono bę oo-mekwapho ephe ejee iphe-ehuka. ⁷ Unubedua obu, aakpa ehụ nta-a bę oo-me unu enweru onwunu. Nokwapho g'oo-me anyibedua. Teke oo-me iphe ono bę bụ teke Nnajiuphu a-nodu l'oku enwu phoophoophoo shi l'imigwe abya yee unwu-ojozi-imigwe iya ono, bụ phe l'e-goshi g'ike iya habe shii ono. ⁸ Oo bya agwaa ndu amadu Chileke ochi; waa ndu te emedu iphe, ozi-oma ehụ Nnajiuphu anyi, bụ Jizosu Kereshi epfu ono. ⁹ Ndu ono bę a-nu chipfuu bya achifu phe l'iphu Nnajiuphu me l'odu-biribiri du l'ike iya; je dobe l'eka ephe a-nodu laa l'iswi jasụ l'ojejoje. ¹⁰ Noo iphe, e-me mboku ono, oo-bya. Oo ya bụ ge ndu nkiya, bụ ndu kwehawaru nkiya akwabe iya ubvu; jakwaa ya pho ajaja. Unubedua l'onwunu anodukwapho l'eka ono, ndu nkiya no ono; kele unu kwetarụ k'ozi ono, anyi byaru ezia unu ono.

¹¹ Noo g'o gude anyi nodu anodujeepho epfu anu Chileke l'iswi ehụ unu tekenteke; g'o mee unu g'unu du k'anodu ndzu ono, o kuru unu g'unu nodu ono. Unu aduje ike meje iphe, du ree, l'agu unu egu ememe. L'o mekwaapho g'o dzua oke; mbụ ndzu ono, unu no; opfu l'unu kweru nkiya ono. ¹² Oo ya bụ; g'ee-shi l'eka unu kwabe epha Nnajiuphu anyi, bụ Jizosu Kereshi ubvu; Chileke eshikwanu Nnajiuphu anyi, bụ Jizosu Kereshi l'eka kwabe unubedua ubvu. Iphemiphe ono bę Chileke e-shikota l'eze-iphe-oma, oome me ke Nnajiuphu anyi, bụ Jizosu

Kéreshi mekọta.

2

Ọ-chi-nta Kéreshi

¹ A bya abya lẹ k'abyabya kẹ Nnajiuphu anyi, bu Jizosu Kéreshi mẹ k'edzuko, oo-me g'anyi dzuko be g'anyi l'iya tuga buru nanu anyi nodu arwo unu ununna anyi su; ² g'ọ to tufu-kebeke unu ehu l'oriri; ophu obu awatakebeke ete unu ophe; opfu l'a suru unu lẹ mboku ono, Nnajiuphu a-bya ono eruwaa. Unu te eyejekwa onu m'obeta o nweru onye byaru bya asu unu l'oo iphe, Unme-du-Nso pfuru be ya l'epfu; ozoo l'ọ kwa iphe, nemadzu pfuru iya be ya epfu; ozoo l'e deru iya l'ekwo-ozu, a suru l'oo anyibedua deru. ³ G'ọ to dukwa onye e-duswe unu uzo; kele mboku ono ta abyakwa abya abudu lẹ teke ono, ndiphe e-kwefuru Chileke ike ono vuadaru uzo bya; mẹ teke o byaadaru mbu nwa-ogbuka-ekemu ono, bu iya bu onye ono lafutaje l'iswi ono. ⁴ O -byaepho be oo-su l'oo-buru kẹ yee iphemiphe, ndiphe ekukpo chi g'ọ ha; mẹ iphemiphe ndiphe abaru eja. Oo-woru onwiya dobe lẹ ya kakota iphemiphe ono shii. Mbu; oo-jechakwaa je asugabe onwiya l'eze-ulo Chileke su l'oo yebedua bu Chileke l'onwiya.

⁵ ?Unu ta nyataheduru lẹ mu pfuhawaru iya unu teke anyi l'unu tukoru nodu? ⁶ Unubedua l'onwunu makwaru-a iphe, akposhi iya abyabya nta-a. O kwa k'opfu a-huma iya teke gbaru iya nu ⁷ Ike ono, a ta humadu l'enya ono, bu ike kẹ nwa-ogbuka-ekemu ono nodu erekwanu ire nta.

Ọle yẹbedua l'onwiya ta abyadu abya jeye teke onye ono, sedekwaduru iya nu ono l'e-tochiru iya. ⁸ O -tochiru iya pho ono; o o ya bu nwa-ogbuka-ekemu ono abya teke ono; l'aa-huma-dzuru iya. E mechaepho; Nnajiuphu, bu Jizosu egude uphere onu iya gbua ya. O buru nwiiinwii ono, Nnajiuphu a-nodu egbu teke l'oo-bya ono be bu mkpako-iphē l'e-me nwa-ogbuka-ekemu ono l'o laa l'iswi. ⁹ Abyabya, nwa-mgbuka-ekemu ono a-bya be bukwa l'ike ke Nsetanu be oo-shi l'eka. O -bya l'o meshiahaa iphe, du biribiri, dugbaa iche iche, bu iphe, a-kpo ndiphe opfu. Nokwapho g'oo-gude ugho emegbaa iphe-ohumalenya, du biribiri. ¹⁰ Oo-gude ejo ugho mgbashi gude eduphushi ndu ono, buwaa ndu l'a-la l'iswi ono. Iphe, ephe e-gude laa l'iswi ono a-buru l'ephe jikaru l'ephe ta akpoduru obu eye l'okpobe-opfu ono, bu iya gege adzota phe nu ono. ¹¹ Noo iphe, meru g'o gude Chileke gbahaa phe eka; ephe shiswee uzo; shiswee ya k'ophu buepho iphe, abudu okpobe-opfu be ephe ekwetaje l'o bu okpobe-opfu. ¹² Eka o wukoru bu l'iphe, bukpo ndu ono, ekwetaduru okpobe-opfu ono; o buchiaru ejo-iphē ka phe utso ono be Chileke a-nmakota ikpe.

Apfuru pfushia ike

¹³ Unwunna anyi; Nnajiuphu yekwaru unu obu. O bukwa iphe, anyi mefutaje; l'anyi a-nodujeepho ekele Chileke ekele ehū unu teken-teke; kele Chileke shiepho le mbu hota unu k'ophu oo-dzota unu; mbu o jekwa e-shi Unmedu-Nso ono l'eka l'ere ire l'ehu unu ono; waa

l'ekwekwe ono, unu kweru l'okpobe-opfu ono; dzoo unu. ¹⁴ Oo iphe ono be o shi l'eka ozi-oma ono, anyi ziru unu ono kua unu oku iya; g'unu le Nnajiuphu anyi, bu Jizosu Kereshi gbaru mgbana nweru odu-biribiri iya. ¹⁵ Noo ya bu; unwunna anyi; unu pfuru pfushia ike; unu gudesikwa okpobe-opfu ono, anyi ziru unu ono; me anyi gude onu zia ya unu-o; me anyi deru iya unu edede l'ekwo-ozu.

¹⁶ Ge Nnajiuphu anyi, bu Jizosu Kereshi l'onwiya; yele Chileke, bu Nna anyi, bu onye yeru anyi obu; bya emee g'obu shihu anyi ike jasule tuutuutuule miiimii; meuru unu anyi eze-iphe-oma; mekwaarupho anyi iphe ono, anyi ele enya iya ono. ¹⁷ G'o mee g'obu shihu unu ike; mekwaapho unu g'unu shihu ike suru k'eme iphe, du ree, unu emekpoo ememe; pfuje iphe, du ree l'onu.

3

Aarwo g'epfuru nu Chileke

¹ Eka anyi a-subee opfu ono ishi unwunna anyi buru; g'unu pfuje nuru anyi Chileke g'ozu-oma ke Nnajiuphu kabaa edzuru ekameka egwegwa; g'a kwabejekwapho ozi-oma ono ubvu l'ekameka egube ono, unu akwabeje iya ono. ² Wafua g'o nafutaje anyi l'eka ndu iwe me l'eka ndu ejo-iphe. Noo kele o to bubedu ndiphe l'ophu be kwetaru k'ozu-oma ono.

³ Obenu le Nnajiuphu bu onye apfushije ike l'iphe, o pfuru. Oo ya bu onye e-me g'unu shihu ike; teme l'o chekwapho unu g'eka Onye-Njo ono

te erwu unu l'èhu. ⁴ Anyịbedua bẹ Nnajiuphu meakwaru ọp̄hu anyi awahèduru unu obu mini. O doru anyi ẹn̄ya l'unu eme-a iphe, anyi s̄uru g'unu meje; t̄eme unu je l'e-meru iya kwas̄eru.

⁵ Gẹ Nnajiuphu kp̄o-ziaru unu ụzo k'ọp̄hu unu akabaa an̄odu eye Chileke obu eje l'ip̄hu; m̄ẹ k'ọp̄hu ata nshi unu l'a-bụ ọp̄hu shi Kéreshi l'ẹka.

Ozi Nnajiuphu, e jefutaje

⁶ Ụnwunna anyi; iphe, anyi n̄o Nnajiuphu anyi, bụ Jiz̄osu Kéreshi l'ẹka ep̄furu unu nta-a bukwa; g'unu bujeru ụbara yeru iphe, buk̄poo nwanna, ẹn̄yiru ozi d̄u; ọp̄hu o meje d̄u iphemiphe ono, anyi ziru unu g'unu meje ono. ⁷ Noo l'unubedua bẹ maru-a l'unu nwufutaje ẹka anyi. Anyi te eshikwa b̄uru ndu ẹn̄yiru ozi teke anyi l'unu shi n̄odukota. ⁸ Ọ t̄o dukwa onye anyi nataj̄eru nri ria k̄e mman̄u. Ọ chia iphe, anyi shi emejechia bụ l'anyi shi esek̄otaje akanya eswe l'enyashi jas̄u ike lab̄o abv̄u anyi; g'ọ t̄o d̄u g'unu ha onye anyi a-pata mkpa ẹhu anyi je ebo g'ọ b̄uru iya ivu-erwa. ⁹ Iphe, anyi shi eme iya ta abukwa l'ọ t̄o gbaduru anyi g'anyi a-s̄u g'unu vuru mkpa ẹhu anyi. Ọ kwa g'anyi gude umere anyi goshi unu iphe, unu e-letaj̄e eme. ¹⁰ Mb̄u lufuchakwa l̄e teke anyi n̄o l'ibe unu b̄e anyi pfuhaakwaru unu iphe-a pfushia ya ike s̄u: “G'onye ete kwedu eje ozi te erijekwa nri.”

¹¹ Iphe, anyi gude n̄odu ep̄fu iphe-a bụ l'anyi n̄umawaru l'o nweru g'unu ha ndu har̄u b̄uru ndu ẹn̄yiru ozi d̄u; ndu b̄uepho iphe, ẹp̄he n̄o bụ o-jeru-op̄fu, 'e kuduru p̄h̄e; ọp̄hu ọ d̄udu

iphe ọzo, ẹphe anọduje eme. ¹² Anyi nọ Nnajiuphu, bụ Jizọsu Kéreshi l'ẹka akaru ẹgube ndu ono ałokwaru pẹ phọ ẹka lẹ nchị sụ g'ẹphe nọduekwapho nwa doo seje akanya l'onwophe seta iphe, ẹphe e-gude buru. ¹³ Sụ-a; unwunna anyi; g'ike ta abvukwa unu l'eme iphe, dụ ree.

¹⁴ Teke ọ bụ l'ọ duru onye jikaru emeje iphemiphe-a, anyi deru l'ẹkwo-ozia; unu hụbekwa onye ọbu ama. Unu wuchia ya ewuchi; g'e gude nno g'iphere a-dụ iya. ¹⁵ Ọle g'unu te emejekwa iya g'onye unu l'iya duru l'opfu. Unu gudeje iya lọ ya ẹka lẹ nchị; kele ọ bụkwa nwanna unu.

Opfu, mkpochi-ishi

¹⁶ Gẹ Nnajiuphu l'onwiya, bụ iya bẹ ẹhu-ọdu-guu l'eshije l'ẹka mekwaa g'ẹhu dujekpoephe unu gubala tekenteke; mẹ l'ẹkameka. Gẹ Nnajiuphu swikwaru unu eswiru g'unu ha.

¹⁷ Ekele-a, dụ l'ẹkwo-ozia bẹ bụ mbẹdua, bụ Pọlu gude ẹka mu dee ya. Ọwa-a bụakwaa gẹ mu edeje iphe edede. Ọo ya bụ iphe, unu e-gudeje hụbe ẹkwo-ozia, mu deru ama.

¹⁸ Gẹ Nnajiuphu anyi, bụ Jizọsu Kéreshi meeru unu eze-iphe-ọma g'unu hakọta. Nokwa g'ọ dụ.

Bayiburu Izii
Izii: Bayiburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

c6885c7c-c550-5b8b-a4fe-4bd714af4f6d